

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PELANCARAN PROGRAM FOOD BANK SISWA KE 28 DI UNIVERSITI ISLAM ANTARABANGSA MALAYSIA (UIAM) CAWANGAN PAGOH, JOHOR

PAGOH JOHOR, 6 OKTOBER 2022 – YB Dato' Rosol bin Wahid, Timbalan Menteri Perdagangan Dalam Negeri dan Hal Ehwal Pengguna hari ini merasmikan Program Food Bank Siswa di Universiti Islam Antarabangsa Malaysia (UIAM) Cawangan Pagoh, Johor. UIAM Pagoh adalah Institusi Pengajian Tinggi (IPT) ke 28 yang telah dilaksanakan pelancaran Food Bank Siswa sejak program ini dimulakan oleh Kementerian Perdagangan Dalam Negeri dan Hal Ehwal Pengguna (KPNDHEP) bermula Februari 2019.

Seramai 500 pelajar daripada UIAM Cawangan Pagoh akan menerima sumbangan bantuan makanan sepanjang berada di kampus. Pelaksanaan Program Food Bank Siswa di sini menggunakan konsep *Food Pantry* di mana pihak pengurusan Hal Ehwal Pelajar (HEP) akan menyediakan tempat penyimpanan makanan kering termasuk makanan sedia dimakan yang telah menjalani proses ‘retort’ untuk diagihkan kepada pelajar mengikut jadual yang ditetapkan. Inisiatif Food Bank Siswa ini bertujuan untuk menyalurkan bantuan makanan kepada pelajar yang memerlukan dan pada masa yang sama membantu meringankan bebanan kos sara hidup yang ditanggung oleh pelajar.

Program Food Bank Siswa yang digerakkan oleh Sekretariat Food Bank Malaysia, KPNDHEP merupakan polisi yang diwujudkan bagi membantu pelajar kurang berkemampuan mendapat makanan serta keperluan harian. Sejak program ini

dijalankan hingga September 2022, seramai 20,951 pelajar telah mendapat manfaat daripada program ini dan telah dilaksanakan di 27 buah IPT seluruh negara.

Kementerian turut melaksanakan Inisiatif Teknologi Pembungkusan Makanan Secara Retort yang melibatkan industri perhotelan, katering dan pengeluar makanan berasaskan pertanian. Sehingga kini, sebanyak dua belas (12) mesin retort telah beroperasi di sepuluh (10) lokasi terpilih dan telah berjaya menghasilkan sebanyak 3000 pek makanan untuk diagihkan kepada golongan sasar yang telah dikenalpasti. Program Food Bank Siswa juga mendapat manfaat daripada inisiatif ini memandangkan makanan retort adalah bersifat “*Ready to eat*” dan sesuai untuk pelajar.

Inisiatif ini turut dijayakan dengan sokongan daripada para penyumbang Mondelez Malaysia Sdn Bhd, Mamee Double – Decker (M) Sdn. Bhd, Today Bakeries Products (Klang) Sdn Bhd, Nestle (Malaysia) Berhad, Yayasan Al Manjie, Le Meridien Putrajaya Hotel dan Al Huda Enterprise Sdn Bhd.

Untuk sebarang pertanyaan lanjut, pihak pemain industri dan orang ramai boleh menghubungi **Sekretariat Program Food Bank Malaysia di talian hotline 03-8882 5860 atau melalui emel kepada sekretariatfoodbank@kpdnhep.gov.my**

YB Dato' Rosol bin Wahid

**Timbalan Menteri Perdagangan Dalam Negeri dan Hal Ehwal Pengguna
Pagoh Johor, 6 Oktober 2022**

###

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampung sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:



SURUHANJAYA SYARIKAT MALAYSIA
COMPANIES COMMISSION OF MALAYSIA



Perbadanan Harta Intelek Malaysia
Intellectual Property Corporation of Malaysia



SURUHANJAYA PERSAINGAN MALAYSIA
MALAYSIA COMPETITION COMMISSION